

ایلول ۱۹۰۷

نومرو : ۴

آدرس : ADRESSE

IDJTIHAD
Caire

پومته اجرتی داخل اولماق سزین

نس خه سی (۱) فرانقدر .

ایکنجی سنه

الاجتهاد

هر لسانده هر نوع آثارعیه وادبیه
واجتماعیه متشکراً قبول ودرج
اولونور

سنه لک آبونہ بدلی هریر ایچون (۱۳) فرانقدر

روسما ایچون ۵ رویلادر

تلفون : ۲۴۶۵

آیده بردفعه نشر اولونور ، سربست ، مجموعه علمیه واسلامیه در

(يمن) ه دائر

خصوصی بر مکتوبدن

... (...) غزته سنده بر مقاله کوو دم دوغروسی
کوزلریمه اینانامیوردم : یمن وقوعا سندن بحث اولونور
کن « یمن اختلا لئک اوکنی آلاق ایچون شو قدر مه مات ،
شو قدر عسکر ... فلان کوندرمه لی ، عرباری ازمه لی »
مانده اداره کلام اولونیور . نه قادار واهی بر فکر !
بز اورایه ، هرشیدن اول ، عدالت ، نور معارف
کوندرمه لم ؛ بونلر سز نه پایه بیلیرز ؟ بزم اوراده
یاد یغمز غدارلنی ، جنوارلنی اونو نمایلم . منصفانه
دوشونه لم ...

اجتهاد

اجتهاد مصیب آنجا بود .

احیای لایموت

حاجی زین العابدین تقی یوف حضرتلری

تورکر و علی العموم روسیا مسلمانلری آره سنده
انتشار نور عرفان ایچون صرف ایتدیکی ثمره دار سی
و همت خدا پسندانسی ایله نور دیده اهل اسلام
اولان زین العابدین تقی یوف حضرتلری ایشته بو
اولمه یه جک اولان زنده لردن در . بو محترم ذلک تاریخ
حیاتی بلیغ بر دوس غیرت و فضیلت اولدیغندن اجمالاً
(اجتهاد) قارئلرینه عرض ایده جکر :

تقی یوف هجرتک ۱۲۵۶ نجی سنه سنده ، و ۱۸۳۸
سنه میلادی سنده روسیانک (باکو) شهرنده تولد ایتمش
در . پدری محمد تقی نامنده بر ذات ایدی که یاشماق حقیق
ایله مشغول اولور و بوصورته اداره معیشت ایدردی .
(زین العابدین) آلتی یدی یاشنده اولدینی حلاله

بالای سرش ز هو شمنندی

میثافت ستاره بلندی

توصیف دلپذیرینه لیاقت کوسترمه سی جهتیه . فقیر پدر ،
بو اولادینه صوک درجه ده دقت و محبت ایدردی . وفا
کار (زین العابدین) باباسنک تنکی معیشتی کوردو کچه ،
بر صنعته کیرمک ، بر قاچ پاره قازاناراق ابوننک یوکنی
خفیلمک ایسته مکده اصرار ایدر طوروردی . بو
اصراره طایانامایان پدر ، اوغانی ، معروف بر معمارک
یانه چیراق اولاراق ویردی . کوستردیکی غیرت و
واستعداد اوستادینک نظر دقت و تقدیرینی جاب ایتمش
اولدیغندن کنج شا کرده ، کوچوک بر یومیه تخصیص
ایتمکده تردد ایتهدی . ایلک قازانجی اولاراق آلدینی
آلتی قاپیک (تقریباً قیرق پاره) دن عبارت بو پاره نی
او کونک اقصامی ، کمال مسرتله . کتیروب باباسنه
ویردی . (زین العابدین) ک بوقادار کوچوک بر یاشده
کوستردیکی علوجنابی کورن پدر پک زیاده بمنون

دائماً یاشایان اولور بولوندینی کبی هیچ اولمه ین دیری
لرده واردو ، که بونلر عینی عالم ابدیتده عینی حیات
ایله حی و زنده داردلر .

احتیاجه قارشی کوستردیکی سخا و کرم آبدۀ شان
و شهرتک تمل طاشی اولمشدر. نفت قویولرینک حفریاتی
انساننده عظیم مشکلاته مصادف و بوتون یاران و اخوانی
مأیوس اولمشدی. لاکن (زین العابدین)

مشکلی نیست که آسان نشود

مرد باید که هراسان نشود

دیه رک کرک نقدی کرک اجتماعی کافۀ مشکلاتی اقتحام
ایتمشدر. شریکری. حفریاتک نتیجه سزلیکنی کور
دوکلرندن صبر و ثباته داها ایله ری کیده، یه رک
حصه لرینی صائمق ایسته مش ایدیلر. (زین العابدین)
شریکلرینک حصه لرینی ده مبايعه ایدهرک حفریاته
دوام ایتمشدی.

فعد التناهی یكون الفرج

مصادقجه بر کون نفت معدنلری ظهور ایتمش و
حاجی (زین العابدین) صبر و ثباتک، غیرت و فعالیتک
مکافاتی اولاراق نامتناهی بر خزینۀ لایفایه صاحب
اولمشدر.

اکثر مصر و تورکیا ارباب ثروتک مسلك ناهموار
لرینه مخالف اولاراق، حاجی (زین العابدین) بلا موضوع
ادخار نقود ایتمه بی اعتیاد ایتمه دی. ملت داشلرینک
دینداشلرینک و ابنای نوعنک فکریلرینی تنویر،
احتیاجلرینی تهوین ایتمک ذوق صمدانیسیله ذوقیاب
اولمائی اذواق و تصرفات سائرۀ نک کافه سنه - بحق -
ترجیح ایتمدی.

دورت مدرسه نک ناظرلق وظیفه سنی درءهده و هر
دورلو اعانه و حمایه ایله شاگردلرینی احیا ایتمدی. کویلو
لرک تربیۀ فکریه لرینی نظر دقت و شفقت دن هیچ دور
ایتمه دی. (زین العابدین) حضرتلرینک تحت نظارتنده کی

اولدی. و بو پاره ایله اتمک پذیر آلدی عائله سنه برضیافت
فقیرانه چکدی. بوکون جمله من (زین العابدین) ک مسا-
فری یز دیدی. بر صبی نک آلن تری حق اولان بو
اتمک پذیر ضیافتی نک لذت و شادایی غیر قابل تصور
ایدی.

(زین العابدین) برذکای فطری نک نوریه،

(لیس للانسان الاماسی)

نک تعیین ایتدیکی راه نجات و تعالی بی منور و عیان
کوردیکندن لایقطع تزید سی ایدیور و لایقطع
مظهر تقدیر و تعالی اولیوردی. بر حاله که از زمان
ظرفنده اهل اسلام آرهنده مشار بالبنان و صاحب
اعتبار و سامان ارلدی. معمارلقده کوستردیکی هنر و
مهارت کندیسنه ایلک مشعل اعتلا اولمشدی.
فقط چوق کچمکسزین امور معظمۀ تجاریه ایله اشتغاله
باشلادی. اسماعیل و صادق اسلمزنده ایکی اوغانی
اوروپا ترفیات حاضره سنک استلزام ایتدیکی یولده تعلیم
و تربیه موفق اولدیغندن اولری کندیسنه رفیق
مظاهر تعیین ایتدی.

حضرت تقی یوفک اک عظیم تشیی ۱۸۷۲ سنه
میلادیه سنده باشلاوکه او تاریخنده خیلی پاره ادخار
ایتمش بولوندیغندن اسباب و وسائط لازمه سنی احضار
ایدوب (باکو) ده مشهور عالم اولان نفت قویولرینی
قازدیرماغه مباشرت ایتمدی. حکومتدن بر چوق یرلر
آلوب بورالرده نفت قویولری قازماقله مشغول اولدینی
صرهده معیننده کلیتی عمله ایشله تیردی بونلره کوستر
دیکی معامله اخوتکارانه و فقرا نوازلق آیریمجه بر دلیل
موفقیّت اولمشدر. او صروده (باکو) و جوارنده
ظهور و ۲۳ آی دوام ایدن قحط و غلاده اهل


مختلف ال ایشاری ، دیکش ، ایشله مه ، اطعمه طبخ و
واحضاری ، روسجه و تورکجه لسانلری ، بیانو ، تربیه
اطفال علم حساب و تدبیر منزل کبی هر خانم ایچون
الزم معلومات تدریس اولونور . مکتبک مدت تحصیلیه سی
۴ سنه در . هر دورت سنه ایچون حضرت (زین العابدین)
۳۲۰۰۰ روبله صرف ایدر .

حضرت (زین العابدین) تقیوف ک ذکای باویک
و فیضا فیضی و علویت آمال و ادراکی (تیاترو) نک
خلق ایچون نه بویوک مکتب عبرت و تربیه اولدیغنی
پک ارکندن تقدیر ایتمش اولدیغندن (باکو) شهرنده
برنجی تیاتروی بنا ایدن ینه بو حاجی عالی نظر درکه
بونک بناسنه تمام ۱۰۰۰،۰۰۰ روبله صرف ایتشددر .
عینی زمان لرده ۵۷۰۰۰۰ روبله ویره رک روسجه
(قاسپی) غزنه معروفه سی صاتین آلمش در . بو غزنه
روسیا مسلمانلرینک حقوق مادی و معنویه سی مدافعه یه
تخصیص حیات ایتشددر و دوستلر مزدن علی مردان
پک طوبیجی باشی زاده نک اداره قلمیه سی آلتنده
چیقار .

صوک سنه لرده [فیوضات] عنوانی بر مجموعه
علمیه و ادبیه نک امتیازی آلمش و اخوان کزیده مزدن
دو قور علی پک حسین زاده نک اداره فاضلان و علما نه سنه
تودیع ایتشددر ، شیمدی یه قادار بر چوق آثار نفیسه
متروکه نک طبعی مصارفی ویرمش و طبع ایتدیر مشدر .
بوایده واقع اولان مصارفی ۴۰،۰۰۰ روبله راده سنده
در . بونلردن ماعدا [باکوده] ده (قومیر چسکی)
مکتبته ۲۰۰۰ روبله ، (پترسبورغ) ده مسلمان
جهیتته ۱۱۰۰۰ روبله ، (باکو) ده تخینچسکی مکتبته
۳۰۰،۰۰۰ روبله و ریالی مکتبته ۳۰،۰۰۰ روبله

مدورسه لردن روسیا اهل اسلامی آره سنده مشار بالبنان
برچوق ذوات یتیم مشدر . ایلک دفعه اولاراق ، (باکو)
یه اوج میل مسافه ده کائن [مردکان] آدلی کویده ،
اللی نفر اطفال یتیمیه مخصوص اولماق اوزره بر
مکتب تأسیس و بو مکتبک بناسنه ۳۰۰،۰۰۰ روبله ،
یعنی ، تقریباً ، سکسان بیك فرائق صرف ایتدی . بو
مکتبه سنوی ۷۰۰۰ روبله تخصیصات ویرمکده در .
بو مکتبده احکام شرعیه ایله برابر علم زراعت و فلاحت ،
روسجه تورکجه تعلیم اولونور .

حضرت (زین العابدین) نسوان اسلامک دونیت
تربیه و عرفانی و بویوزدن متولد اولان و معنای
حقیقیسیله عالمه حیانتک ، که سرمایه سعادت ائمدر ،
یوقلغنی کال دقت و اضطراب ایله کورمکده تأخر ایتمه
دی : او پک اعلا آکلامشدی که قادیلر لرمن ، قیزلر لر
حقوق مدینه دن عاده منعل ، جاهل اسیرلر حالنده
بولوندو قجه و هیچ بر عقل و شرعه موافقت و قریقی اولمایوب
بایاغی بر مسخره لق دن عبارت اولان شکل حاضر مستوریت
قالدی قجه اهل اسلام ایچون انسانلر صبره سنه کیره بیله
جک قادار فطانت زاده اولماق ممکن دکل در . بوملا حظه
عالی نظرانه ایله درکه حضرت (زین العابدین) تقیوف ،
مسقط رأسی اولان باکو شهرنده ، مسلمان قیزلرک
تربیه و تعلیمنه مخصوص بر مکتب بنا ایتدی . رسمی
کور دیکمز بونای عظیم یالکز (باکو) نک دکل بلاکه
بوتون روسیانک ممتنا واک محشم بنالردن در . بو مکتب
ایچون عالی جناب تقیوف ۵۰۰،۰۰۰ روبله یعنی بر
بو چوق میلیون فرائق راده سنده بر مبالغ عظیم صرف
و مداوملری ایچون سنوی ۸۰۰۰ روبله وقف و
تخصیص ایتشددر . بو مکتبده علوم دینه ایله برابر



5X7-

اعاظم رجال اسلام دن و (يوضات) مجموعہ سی صاحب امتیازی

زين العابدين تقی یف حضر تلری

[مطبعة اجتهاد]